

NÒVAS D'APRENE

Nòvaletra de l'establiment d'ensenhamant superior APRENE – n°1 – novembre de 2015



Batejada de la còla novèla d'APRENE1

Pels 20 ans d'APRENE, una batejada extraordinària !

Es a la comuna de PAU, lo diluns 14 de decembre a 20 horas, que los 11 calandrins e calandrinas prendràn mairina(s) de tria ! I sètz totes convidats.



Publicacions

L'an passat, l'establiment APRENE demandèt als PEE (Professors de las Escòlas Estagiari) de trabalhar sus un projècte a mira cooperativa.

Cadun causiguèt un subjècte qui li teniá a còr e qu'aviá enveja de partejar.

Aquel trabalh d'una annada lo presentèron dabans un public, lo 11 de junh passat al Cirdòc.

En seguir lo ligam <http://maleta.ocitanica.eu/talhier> poiretz consultar lo projècte de Pèire Raymond que prepausa un trabalh de poësia a partir de la revista *la Cabreta*. D'autres projèctes i seràn lèu publicats....



Las nòtas

Traparetz sul sit d'APRENE un tèxt en francés que fa lo ponch a prepaus de las nòtas a l'escòla. Pòt servir d'argumentari per un rescambi o per de discutidas amb de collègas e de parents.

[Seguissètz lo ligam](#)



Formacion continua

Los 7, 8 e 10 de decembre, se debanarà la formacion «**del caval a la classa cooperativa**» prepausada per Eric Lhéritier. Se passarà dins un centre equèstre de Nimes. Mantuna activitat serà prepausada : monta, trabalh a pè amb lo caval e rescontre amb una equiterapeuta.

Per la segonda annada, tornaretz trapar dins lo [calendier de la formacion continua](#) una accion que se ditz «**Culturas a Calandreta**». Es capdelada per Isabèu Vergnes.

Los participants se rescontraràn a Arancou (64) del 13 al 15 de genièr.

Per aquelas 2 accions avèm ja registradas d'inscripcions mas demòran encara quelques plaças. Esitetz pas de vos macar en mandar un messatge a cupo@aprene.org abans lo 30 de novembre.
